

Vrbes.

Troia
In Troas

Caria

Turcarum Imperatore mancipiorum loco tenentur, qui hic suos *Beglerbeios* & *Sangiacos* habet in diversis Regionibus & Provinciis. Habet autem *Natolia* Regiones istas, *Pontum*, *Bithyniam*, *Asiam* proprie dictam, *Lyciam*, *Galatiam*, *Pamphiliam*, *Cappadociam*, *Ciliciam*, & *Armeniam minorem*. *Pontus* & *Bithynia* olim *Sagari* amne interfluente distinctæ, post in unam Provinciam redactæ sunt, quæ hodie *Bursia* vel *Becfangial* vocatur. Hoc *Mithridatis* quondam Regnum fuit: Vrbes celebriores erant, *Chalcedon*, *Nicomedia*, *Cerasus*, *Prusa*, ad montem *Olympum*, ante captam *Constantinopolim* Imperatorum *Turcicorum* sedes, *Nicaa* & *Heraclea* *Ponti*, *Asia* proprie dicta nunc vocatur *Sabrum* vel *Sarcum*, ab Orru *Galaria*, a Septentrione *Ponto* & *Bithynia* terminatur: Cætera Mari adluuntur. Habet in se *Phrygiam*, *Lydiam*, utramque *Mysiam*, *Cariam*, *Aolidem*, *Ioniam*, & *Doridem*. *Phrygia* duplex est, *Maiores* & *Minor*. *Maiores* Orientem spectat, in ea Vrbes paucæ, plures Vici, in ea est *Midatium* Vrbs iuxta *Sangarium*, a *Mida*, cuius Regia hic fuit nomen sortita. Est & *Apamea* urbium *Phrygiæ* maxima, non procul a *Mæandro*. *Docymeum* Opidum & *Synnada* Vrbs. Est & *Pessinus*. In *Minore Phrygia* sive *Troade* fuere *Ilium* & *Troia*, decantatissimis *Homeri* & *Virgilij* versibus nota. *Pergamus* quam ex *Arce* in amplissimam urbem *Attalus Rex* novis exstructionibus auctam mutavit: patria *Apollodori Rhetoris*, & *Galerii*. Inter *Trojæ* ruinas etiamnum marmorea sepulchra, murorum fundamenta, Turrium rudera, *Colossos* portarum fragmenta exstare, testis est omni exceptione maior *Bellonius*. Est in eodem tractu *Sigeum* promontorium & Opidum, in quo *Achivorum* statio & *Achillis* tumulus. *Lydia* quæ & *Mæonia* urbem habet *Sardeis*, *Cræsi* Regiam. *Mysia* ad *Hellepontum* *Troadi* contermina fuit. In hac *Lampsacus* urbs *Pariorum* Colonia, & *Abydus* *Melesiorum*. *Caria* inter *Joniam* & *Lydiam* sita est, hujus Metropolis olim *Miletus*, quam nunc *Malaxo* dici putant. Falso: nam hæc Veterum est *Mylasa*, quam *Plinius* vocat urbem liberam lib. v. cap. xxi x. Est & hodie *magnesia* iuxta *Mæandrum*. In littore fuere *Ioniam* prope *Chium Insulam*, in qua celebris illa quondam urbs *Ephesus*. *Eolis* inter hanc & *Lesbum*, cuius urbes littorales *Myrina*, *Cuma*, nunc *Cætri*, & *Phocæa*, nunc *Foglia Vecchia* dicta. *Doris* ad Mare *Carpathium* in *Chersoneso*, cuius urbs primaria fuit *halicarnassus*, patria *Herodoti* & *Dionysij Historicorum*, & Regia *Mausoli*. *Galatia* quæ & *Gallogracia*, nomen habet a *Gallis*, qui *Græcis* mixti olim loca ea coluere, quæ ad *Pontum Euxinum* sita sunt, inter *Pontum* & *Cappadociam*. Vrbes in ea, *Ancyra*, nunc *Anguri*: celebris pannis undulatis, qui ex *Caprarum* villis eo loco texuntur: *Sinope* *Mithridatis* patria: *Amisus*, nunc *Simiso* dicta. In hac Regione est *Paphlagonia*, hodie *Roni* dicta. *Cappadocia* quæ nunc *Amasia*, a *Galatia* ad *Antitaurum* protenditur: ad Meridiem *Cilicia* est: ad Septentrionem *Pontus Euxinus*. Longitudo est amplius cccc mill. pass. Hic in campis *Themiscyrijs* *Amazonum* olim florentissima regna fuere: quas *Titianus*, ut est apud *Isidornm*, venuste & eleganter vocavit *unimammas*.

Vrbes